

廣言土地所苞明非此矣。滎水又東房陽川水注之水出南陽雒縣西房陽川北流注于滎。滎水之北有積石焉。世謂女靈山其山平地介立不連岡以成高峻石孤峙不託勢以自遠四面壁絕極能靈舉遠望亭亭狀若單楹插霄矣。北面有如頽落劣得通步好事者時有扳陟耳。滎水又與波水合水出霍陽西川大嶺東谷俗謂之歇馬嶺川曰廣陽川非也。卽應劭所謂孤山波水所出也。馬融廣成頌曰浸以波滎其水又南逕蠻城下蓋蠻別邑也。俗謂之麻城非也。波水又南分三川于白亭東而俱南入滎水。滎水自下兼波水之通稱也。是故闕駟有東北至定陵入汝之文。滎水又東逕魯陽縣故城南城卽劉累之故邑也。有魯

山縣居其陽故因名焉。王莽之魯山也。昔在于楚文子守之與韓遘戰有返景之誠。

何云淮陽子云魯陽公與韓構難戰酣日暮援戈而麾之日爲

之返內有南陽都鄉正衛爲碑。滎水右合魯陽關水水出

魯陽關外分頭山橫嶺下夾谷東北出入滎。滎水又東北合牛蘭水水發縣北牛蘭山東南逕魯陽城東水側有漢陽侯焦立碑。牛蘭水又東南與北樹溪水合水出魯山北峽谷中東南流逕魯山西而南合牛蘭水又東南逕魯山南闕駟曰魯陽縣今其地魯山是也。水南注于滎。滎水東逕應城南故應鄉也。應侯之國詩所謂應侯順德者也。彭水注之俗謂之小滎水水出魯陽縣南彭山蟻塢東麓北流逕彭山西下有彭山廟廟前有彭山碑漢桓帝元嘉三

年杜仲長立彭水逕其西北漢安邑長尹儉墓東冢西有石廟廟前有兩石闕關東有碑闕南有二獅子相對南有石碣二枚石柱西南有兩石羊中平四年立彭水又東北流直應城南而入瀘瀘水又左合橋水水出魯陽縣北恃山東南逕應山北又南逕應城西地理志曰故父城縣之應鄉也周武王封其弟爲侯國應劭曰韓詩外傳稱周成王與弟戲以桐葉爲圭曰吾以封汝周公曰天子無戲言王乃應時而封故曰應侯鄉亦曰應鄉按呂氏春秋云成王以桐葉爲圭封叔虞非應侯也汲郡古文殷時已有應國非成王矣范曄所封邑也謂之應水瀘水又東逕隼縣故城北左傳昭公元年冬楚公子圍使伯州犁城隼是也

水經注匯校

卷三十一

三

出于魚齒山下春秋襄公十八年楚伐鄭次于魚陵涉于魚齒之下甚雨楚師多凍役徒幾盡晉人聞有楚師師曠曰不害吾騶歌北風又歌南風南風不競多死聲楚必無功矣所涉卽瀘水也水南有漢中常侍長樂太僕吉成侯州苞冢沈氏大成云趙氏金石錄右漢吉成侯州輔碑名字已殘闕其題額云漢故中常侍長樂太僕吉成侯州君之銘輔名姓見范氏後漢書宦者傳以定策立桓帝與曹騰等七人同時封爲亭侯今此碑載當時詔書有云其封輔爲吉成侯以此知其名輔而酈道元之水經注云隼縣瀘水南有漢中常侍長樂太僕吉成侯州苞冢冢前有碑其詞云六帝四后是諮是諷今驗其銘又實有是語獨以輔爲苞蓋水經注之誤當取漢史及此碑爲證冢前有碑基西枕岡城開四門門有兩石獸墳傾墓毀碑獸淪移人有掘出一獸猶全不破甚高壯頭去地減一丈許作制甚工左膊上刻作辟邪字門表壘上起石橋歷時

不毀其碑云六帝四后。是謫是誅。蓋仕自安帝。沒于桓后。于時閭閻擅權。五侯暴世。割剝公私。以事生死。夫封者表有德。碑者頌有功。自非此徒何用。許爲石。至于春不爲速朽。苞墓萬古。祇彰誚辱。嗚呼。愚亦甚矣。滎水又東。犇水注之。俗謂之秋水。非也。水有二源。東源出其縣西南踐犢山東崖下水。方五十許步。不測其深。東北流。逕犇縣南。又東北。屈逕其縣東。面北合西源水。西源出縣西南頗山。北阜下。東北逕犇城西。又屈逕其縣北。東合右水。亂流北注于滎。漢高祖入關。破南陽太守呂齮于犇東。卽于是地。滎水之陰也。滎水又東南逕昆陽縣故城北。昔漢光武與王尋王邑戰于昆陽。敗之。走者相騰踐。奔殪百餘里。間會大雨。

水經注匯校

卷三十一

四

如注滎水盛溢。虎豹皆股。戰士卒爭赴溺。死者以萬數。水爲不流。王邑嚴尤陳茂輕騎皆乘尸而度矣。

東北過潁川定陵縣西北。又東過鄆縣南。東入于汝。

滎水東逕西不羹亭。南亭北背汝水于定陵城北。東入汝。鄆縣在南不得過。

洧水出弘農盧氏縣支離山。東南過南陽西鄂縣西北。又東過宛縣南。

洧水導源宏農

閱案宏農二字依趙本加

東流逕鄆縣故城北。郭仲產

曰鄆縣故城在支離山東南。鄆舊縣也。三倉曰樊鄧鄆鄆

有二城北鄆也

案後魏析置南北鄆。滎水逕南鄆城。東洧水逕北鄆城。

漢祖入關下

浙鄆卽此縣也。洧水又東南流。歷雒縣之衡山。東逕百章

郭北又東魯陽關水注之水出魯陽縣南分水嶺南水自嶺南流北水從嶺北注故世俗謂此嶺爲分頭也其水南流逕魯陽關左右連山插漢秀木干雲是以張景陽詩云朝登魯陽關峽路峭且深亦司馬芝與母遇賊處也朱箋司馬芝事見魏志關水歷雒衡山西南逕皇后城西建武元年世祖遣侍中傅俊持節迎光烈皇后于涪陽俊發兵三百餘人宿衛皇后道路歸京師蓋稅舍所在故城得其名矣山有石室甚飾潔相傳名皇后浴室又所幸也關水又西南逕雒縣故城南昔秦文公之世有伯陽者逢二童曰百曰被二童二雒也得雌者霸雄者王二童翻飛化爲雙雒光武獲雒于此山以爲中興之祥故置縣以名焉何云前漢地理志已有雒

水經注匯校

卷三十一

五

縣殆非光武所置

關水又屈而東南流注于涪涪水又東南流逕

博望縣故城東郭仲產曰在郡東北百二十里漢武帝置校尉張騫隨大將軍衛青西征爲軍前導相望水草得不乏元光六年封騫爲侯國地理志南陽有博望縣王莽改之曰宜樂也涪水又東南逕西鄂故城東應劭曰江夏有鄂故加西也昔劉表之攻杜子緒于西鄂也功曹柏孝長聞戰鼓之音懼而閉戶蒙被自覆漸登城而觀言勇可習也涪水又南涿水注之水出宏農郡盧氏縣之熊耳山東南逕酈縣北東南逕房陽城北漢哀帝四年封南陽太守孫寵爲侯國俗謂之房陽川又逕西鄂縣南水北有張平子墓墓之東側墳有平子碑文字悉是古文篆額是崔

瑗之辭盛弘之郭仲產並云夏侯孝若為郡薄某文復刊碑陰為銘然碑陰二銘乃是崔子玉及陳翁耳而非孝若悉是隸字二首並存嘗無毀壞又言墓次有二碑今惟見一碑或是余夏景驛途疲而莫究矣趙氏一清云按隸釋跋曰世所稱凡百君子者即平子篆碑其石已中斷合向城後碑始能成文此刻有夏侯湛姓名而云書之碑側蓋酈氏考之不詳又金石文有何問相張平子碑具載其詞趙明誠金石錄亦有錄之此即崔瑗之作隸釋載孝若之文而略子玉之撰蓋搜漏也水南道側有二石樓相去六七丈雙峙齊竦高可丈七八柱圓圍二丈有餘石質青綠光可以鑒其上欒櫨承棋雕簷四注窮巧綺刻妙絕人工題言蜀郡太守姓王字子雅南陽西鄂人有三女無男而家累千金父沒當葬女自相謂曰先君生我姊妹無男兄弟今當安神立宅翳靈

水經注匯校 卷三十一

后土冥冥絕後何以彰吾君之德各出錢五百萬一女築墓二女建樓以表孝思銘云墓樓東平林下近墳墓而不能測其處所矣洱水又東南流注于清水世謂之肄水肄洱聲相近非也地理志曰熊耳之山出三水洱水其一焉東南至魯陽入沔是也清水又南逕預山東山上有神廟俗名之為獨山也山南有魏車騎將軍黃權夫妻二冢地道潛通其冢前有四碑其二魏明帝立二是其子及臣吏所樹者也清水又西南逕史定伯碑南又西為瓜里津水上有三梁謂之瓜里渡自宛道途東出堵陽西道方城建武三年世祖自堵陽西入破虜將軍鄧奉怨漢拔新野拒瓜里上親搏戰降之夕陽下遂斬奉郡國志所謂宛有瓜

里津夕陽聚者也阻橋卽桓温故壘處温以升平五年與范汪眾軍北討所營洧水又西南逕晉蜀郡太守鄧義山墓南又南逕宛城東其城故申伯之都楚文王滅申以爲縣也秦昭襄王使白起爲將伐楚取郢卽以此地爲南陽郡改縣曰宛王莽更名郡曰前隊縣曰南陽劉善曰在中國之南而居陽地故以爲名大城西南隅卽古宛城也荆州刺史治故亦謂之荆州城今南陽郡治大城其東城內有舊殿基周二百步高八尺陛階皆砌以青石大城西北隅有殿基周百步高五尺蓋更始所起也城西三里有古臺高三丈餘文帝黃初中南巡行所築也洧水又屈而逕其縣南故南都賦所言洧水蕩其曾者也王莽地皇二年

朱鮪等共于城南會諸將設壇燔燎立聖公爲天子于斯水上世語曰張繡反公與戰敗于昂不能騎進馬于公而昂遇害魏書曰公南征至宛臨洧水祠陣亡將士歔歔流涕眾皆哀慟洧水又南梅溪水注之水出縣北紫山南逕百里奚故宅奚宛人也于秦爲賢大夫所謂迷虞智秦者也梅溪又逕宛西呂城東史記曰呂尚先祖爲四岳佐禹治水有功虞夏之際受封于呂故因氏爲呂尚也徐廣史記音義曰呂在宛縣高后四年封昆弟子呂忿爲呂城侯疑卽此也又按新蔡縣有大呂小呂亭而未知所是也梅溪又南逕杜衍縣東故城在西漢高帝七年封郎中王翳爲侯國王莽更之曰閭衍矣土地塾下湍溪是注古人于

安眾竭之合遊水是瀦謂之安眾港世祖章武三年上自宛遣穎陽侯祭遵西擊鄧奉弟終破之于杜衍進兵涅陽者也梅溪又南謂之石橋水又謂之女溪南流而左注涓水涓水之南又有南就聚郡國志所謂南陽宛縣有南就聚者也郭仲產言宛城南三十里有一城甚卑小相承名三公城漢時鄧禹等歸鄉餞離處也盛弘之著荊州記以爲三公置余按涓水左右舊有二瀝所謂南瀝北瀝者水側之瀝聚在涓陽之東北考古推地則近矣城側有范蠡祠蠡宛人祠卽故宅也後漢末有范曾字子閔爲大將軍司馬討黃巾賊至此祠爲蠡立碑文勒可尋夏侯湛之爲南陽又立爲廟焉城中有大將軍何進故宅城西有孔嵩

舊居嵩字仲山宛人與山陽范式有斷金契貧無養親賃爲阿街卒遣迎式式下車把臂曰子懷道卒伍不亦痛乎嵩曰侯嬴賤役晨門卑下之位古人所不恥何痛之有故其讚曰仲山通達卷舒無方屈身厮役挺秀含芳

又屈南過涓陽縣東

涓水又南入縣逕小長安司馬彪郡國志曰縣有小長安聚謝沈漢書稱光武攻涓陽不下引兵欲攻宛至小長安與甄阜戰敗于此涓水又西南逕其縣故城南桓帝延熹七年封鄧秉爲侯國縣故南陽典農治後以爲涓陽郡省郡復縣避晉簡文諱更名雲陽焉涓水又逕安樂郡北漢桓帝建和元年封司徒胡廣爲涓陽縣安樂鄉侯今于其

國立樂宅成郭仲產襄陽記曰南陽城南九十里有晉尚書令樂廣故宅廣字彥輔善清言見重當時成都王廣女壻長沙王猜之廣曰甯以一女而易五男猶疑之終以憂殞其故居今置戍因以為名

又東過新野縣西

涓水又南入新野縣枝津分派東南出隰衍苞注左積為陂東西九里南北十五里陂水所溉咸為良沃涓水又南與湍水會又南逕新野縣故城西世祖之敗小長安也姊元遇害上即位感悼姊沒追諡元為新野節義長公主即此邑也晉咸甯二年封大司馬扶風武王少子歆為新野郡公割南陽五屬棘陽蔡陽穰鄧山都封焉王文舒更立

水經注匯校

卷三十一

九

中隔

案此句上下有脫誤三國志王昶字文舒朱謀璋以王字屬上句作封為王非也

西即郡治

東則民居城西傍涓水又東與朝水合水出西北赤石山而東南逕冠軍縣界地名沙渠又東南逕穰縣故城南楚別邑也秦拔鄢郢即以爲縣秦昭王封相魏冉爲侯邑王莽更名曰農穰也魏荊州刺史治朝水又東南分爲二水一水枝分東北爲樊氏陂陂東西十里南北五里俗謂之凡亭陂陂東有樊氏故宅樊氏既滅庾氏取其陂故諺曰波汪汪下田良樊子失業庾公昌昔在晉世杜預繼信臣之業復六門陂遏六門之水下結二十九陂諸陂散流咸入朝水事見六門碑六門既陂諸陂遂斷朝水又東逕朝陽縣故城北而東南注于涓涓水又東南與棘水合水上

承堵水堵水出棘陽縣北山數源並發南流逕小堵鄉謂之小堵水世祖建武二年成安侯臧宮從上擊堵鄉東源方七八步騰湧若沸故世名之騰沸水南流逕于堵鄉謂之堵水建武三年祭遵引兵南擊董訢于堵鄉以水氏縣故有堵陽之名也地理志曰縣有堵水王莽曰陽城也漢哀帝改爲順陽建武二年更封安陽侯朱祐爲堵陽侯堵水于縣場以爲陂東西夾岡水相去五六里右合閔案二字依趙本改舊本古今斷岡兩舌案朱謀璋云當作左右斷岡兩戴本作左右都水潭漲朱箋都當作潞何云都字不誤夏禹本紀大野既都孔安國曰水所停曰都南北十餘里水決南潰下注爲灣灣分爲二西爲堵水東爲滎源堵水參差流結兩湖故有東陂西陂之名二陂所導其

水經注匯校

卷三十一

十

水支分東南至會口入比

案原本及近刻並訛作泚下同今改正比水見卷之二十九

是以地理志比水堵水皆言入蔡

全云舊作泚水赭水按漢志無赭水入蔡語卽

泚水入蔡亦是應劭說

互受通稱故也二湖流注合爲黃水惟所受

焉逕棘陽縣之黃溜聚又謂之黃溜水者也謝沈後漢書甄阜等敗光武于小長安東乘勝南渡黃溜水前營背阻兩川謂臨比水絕後橋示無還心漢兵擊之三軍潰溺死黃溜水者二萬人又南逕棘陽縣故城西應邵曰縣在棘水之陽是知斯水爲棘水也漢高帝七年封杜得臣爲侯國後漢起兵擊唐子鄉趙云唐子鄉地名光武本紀注在今唐子縣湖陽西南殺湖陽尉進拔棘陽鄧晨將賓客會光武于此縣也棘水又南逕新野縣歷黃邳聚世祖建武三年傅俊岑彭進擊秦豐

先拔黃郵者也謂之黃郵水大司馬吳漢破秦豐于斯水之上其聚落悉為蠻居猶名之為黃郵蠻棘水自新野縣東而南流入于清水謂之為力口也棘力聲相近當為棘口也又是方俗之音故字從讀變若世以棘子木為力子木是也清水又東南逕士林東成名也成有邸閣水左有豫章大陂下灌良疇三千許頃也

南過鄧縣東

縣故鄧侯吾離之國也楚文王滅之秦以為縣清水右合濁水俗謂之弱溝水上承白水于朝陽縣東南流逕鄧縣故城南習鑿齒襄陽記曰楚王至鄧之濁水去襄陽二十里即此水也濁水又東逕鄧塞北即鄧城東南小山也方

水經注匯校

卷三十一

十一

俗名之為鄧塞昔孫文臺破黃祖于其下濁水東流注于洧清水又南逕鄧塞東又逕鄧城東古鄧子國也蓋鄧之南鄙也昔巴子請楚與鄧為好鄧人奪其幣即是邑也司馬彪以為鄧之鄠聚矣

南入于沔

灑水出灑強縣南澤中東入潁

灑水出潁川陽城縣少室山東流注于潁水

案此即潁水注內所謂中

水導源少而亂流東南逕臨潁縣西北小灑水出焉

案此即潁

室通阜者水注內所謂潁水自縣西小灑水出也

東逕臨潁縣故城北灑水又東逕灑

陽城北又東逕灑強縣故城南建武二年世祖封揚化將軍堅鐔為侯國灑水東為陶樞陂

案臨潁西北派分余按

灑陽城在灑水南然則此城正應為灑陰城而有灑陽之名者明在南猶有潁水故此城以陽為名矣潁水之南有二瀆其南瀆東南流歷臨潁亭西東南入汝今無水也疑即灑水之故瀆矣汝水于奇雜城西別東派時人謂之大灑水案此即汝水注內所謂瀆水世亦謂之大灑水者也東北流枝瀆右出世謂之死汝也別汝又東北逕召陵城北練溝出焉別汝又東汾溝出焉別汝又東逕征羌城北水南有汾陂俗音糞汾水自別汝東注而為此陂水積征羌城北四五里方三十里許瀆左合小灑水案此別一小灑水與上小灑水同名異實上小灑水在潁水之北此小灑水在潁水之南水上承狼陂南流名曰鞏水青陵陂水自陂東注之案青原本及近刻並訛作清今改正狼陂青陵陂並見潁水注內東迴又謂之小灑水而

水經注匯校

卷三十一

南流注于大灑水大灑水取稱蓋藉灑沿注而總受其目矣又東逕西華縣故城南又東汝陽縣故城北逕東注于潁

濯水出汝南吳房縣西北奧山東過其縣北入于汝

縣西北有棠谿城故房子國春秋定公五年吳王闔閭弟夫槩奔楚封之于棠谿故曰吳房也漢高帝八年封莊侯楊武為侯國建武中世祖封泗水王歙子輝為棠谿侯山谿有白羊淵淵水舊出山羊漢武帝元封二年白羊出此淵畜牧者禱祀之俗禁拍手嘗有羊出水野母驚拍自此絕焉淵水下合濯水濯水東逕濯陽縣故城西東流入瀨水亂流逕其縣南世祖建武二十八年封吳漢孫旦為侯

國其水又東入于汝水

瀕水出濩陰縣東上界山

山海經謂之視水也郭景純注或曰視宜爲瀕出葺山許慎云出中陽山皆山之殊目也而東與泌水合水出濩陽縣早山東北流注瀕瀕水又東北殺水出西南大熟之山東北流入于瀕瀕水又東淪水注之水出宣山東南流注瀕水瀕水又東得奧水口水西出奧山東入于瀕水也

東過吳房縣南又東過濯陽縣南

應劭曰濯水出吳房縣東入瀕縣之西北卽兩川之交會也

又東過上蔡縣南東入汝

水經注匯校

卷三十一

三

濩水出濩陰縣西北扶予山東過其縣南

山海經曰朝歌之山濩水出焉東南流注于滎經書扶予者其山之異名乎滎水上承堵水東流左與西遼水合又東東遼水注之俱導北山而南流注于滎滎水又東北于濩陰縣北左會濩水其道稍西不出其縣南其故城在山之陽漢光武建武中封岑彭爲侯國漢以爲陽山縣魏武與張繡戰于宛馬名絕景爲流矢所中公傷右臂引還濩陰卽是地也城之東有馬仁陂郭仲產曰陂在比陽縣西五十里蓋地百頃其所周溉田萬頃隨年變種境無儉歲陂水三周其湟故瀆自湟西南而會于比濩水不得復逕其南也且邑號濩陰故無出南之理出南則爲陽也非直

不究又不思矣。濩水又東北澧水注之水出雉衡山東南
逕建城東建當爲卷字讀誤耳。郡國志云葉縣有卷城其
水又東流入于濩。濩水東北逕于東山西流入濩。濩水
之左卽黃城山也。有溪水出黃城山東北逕方城。郡國志
曰葉縣有方城。郭仲產曰苦菜于東之間有小城名方城。
東臨溪水尋此城致號之。由當因山以表名也。苦菜卽黃
城也。及于東通方爲城矣。世謂之方城。山水東流注濩水。
故聖賢冢墓記曰南陽葉邑方城西有黃城山。案聖賢冢
墓記原本
及近刻竝訛作地理志考地理志南陽葉下云有長城號
曰方城更無此文又邑字訛在方城下今據歸有光本改
正是長沮桀溺耦耕之所有東流水則子路問津處尸子
曰楚狂接輿耕于方城蓋于此也盛弘之云葉東界有故

水經注匯校

卷三十一

齒

城始犍縣東至濩水達比陽界南北聯聯數百里號爲方
城一謂之長城云。酈縣有故城一面未詳里數號爲長城。
卽此城之西隅其間相去六百里北面雖無基築皆連山
相接而漢水流其南故屈完答齊桓公云楚國方城以爲
城漢水以爲池。郡國志曰葉縣有長山曰方城指此城也。
濩水又東北歷舞陽縣故城南漢高祖六年封樊噲爲侯
國也。

又東過西平縣北

縣故柏國也春秋左傳所謂江黃道柏方睦于齊也漢曰
西平其西呂墟卽西陵亭也西陵平夷故曰西平漢宣帝
甘露三年封丞相于定國爲侯國王莽更之曰新亭晉太

康地記曰縣有龍泉水可以砥礪刀劍特堅利故有堅白之論矣是以龍泉之劍爲楚寶也縣出名金古有鐵官

又東過鄆縣南

鄆縣故城去此遠矣不得過

又東過定潁縣北東入于汝

漢安帝永初二年分汝南郡之上蔡縣置定潁縣順帝永建元年以陽翟郭鎮爲尚書令封定潁侯卽此邑也

潁水出蔡陽縣

潁水出縣東南大洪山山在隨郡之西南竟陵之東北槃基所跨廣圓百餘里峰曰懸鈎處平原眾阜之中爲諸嶺之秀山下有石門夾鄆層峻巖高數百許仞入石門又得

水經注匯校

卷三十一

五

鍾乳穴穴上素崖壁立非人跡所及穴中多鍾乳凝膏下垂望齊冰雪微津細液滴瀝不斷幽穴潛遠行者不極窮深以穴內常有風熱無能經久故也潁水出于其陰初流淺狹遠乃廣厚可以浮舟楫巨川矣時人以潁水所導故亦謂之爲潁山矣潁水東北流合石水石水出大洪山東北流注于潁謂之小潁水而亂流東北逕上唐縣故城南本蔡陽之上唐鄉舊唐侯國春秋定公三年唐成公如楚有兩肅霜馬子常欲之弗與止之三年唐人竊馬而獻之子常歸唐侯是也潁水又東均水注之水出大洪山東北流逕土山北又東北流入于潁水潁水又屈而東南流

東南過隨縣西

縣故隨國矣春秋左傳所謂漢東之國隨為大者也楚滅之以為縣晉武帝太康中立為郡有澁水出縣西北黃山南逕瀲水縣西又東南瀲水入焉瀲水出桐柏山之陽呂忱曰水在義陽瀲水東南逕瀲西縣西又東南注于澁澁水又東南逕隨縣故城西春秋魯莊公四年楚武王伐隨令尹鬬祁莫敖屈重除道梁澁軍臨于隨謂此水也水側有斷蛇丘隨侯出而見大蛇中斷因舉而藥之故謂之斷蛇丘後蛇銜明珠報德世謂之隨侯珠亦曰靈蛇珠丘南有隨季梁大夫池其水又南與義井水合水出隨城東南井泉嘗湧溢而津注冬夏不異相承謂之義井下流合澁全云澁水豫州浸康成師古皆疑其地不應在豫州然職方之地犬牙相錯荆州之浸為潁則知豫之澁亦其例也

水經注匯校

卷三十一

六

澁水又南流注于澁澁水又會于支水水源亦出大洪山而東流注于澁澁水又逕隨縣南隨城山北而東南注又南過江夏安陸縣西

隨水出隨郡永陽縣東石龍山西北流南迴逕永陽縣西歷橫尾山即禹貢之陪尾山也

趙云酈注泗水篇既引博物志之言是注不應又引

漢志以安陸之橫尾為陪尾豈非自相舛錯與卷末禹貢山水澤地所在亦誤

陸縣故城西入于澁故澁城也因岡為墉峻不假築澁水

又南逕石巖山北昔張昌作亂于其下籠彩鳳以惑眾晉太安二年鎮南將軍劉弘遣牙門皮初與張昌戰于清水昌敗追斬于江渙即春秋左傳定公四年吳敗楚于柏舉從之及于清發蓋澁水兼清水之目矣又東南流而右會

富水水出竟陵郡新市縣東北大陽山水有二源大富水出山之陽南流而左合小富水水出山之東而南逕三王城東前漢末王匡王鳳王常所屯故謂之三王城城中有故碑文字闕落不可復識其水屈而西南流右合大富水俗謂之大泌水也何云李本甯大泌山房取此又西南流逕杜城西新市縣治也郡國志以爲南新市也中山有新市故此加南分安陸縣立又王匡中興初舉兵于縣號曰新市兵者也富水又東南流于安陸界左合土山水世謂之章水水出土山南逕隨郡平林縣故城西俗謂之將陂城與新市接界故中興之始兵有新市平林之號又南流右入富水富水又東入于澗澗水又逕新城南永和五年晉大司馬桓

水經注匯校

卷三十一

七

温築澗水又會温水温水出竟陵之新陽縣東澤中口徑二丈五尺垠岸重沙端淨可愛靖以察之則淵泉如鏡聞人聲則揚揚奮發無所復見矣其熱可以燂雞洪流百餘步冷若寒泉東南流注于澗水澗水閱案澗水二字依戴本加又右得潼水水出江夏郡之曲陵縣西北潼山東南流逕其縣南縣治石潼故城城圓而不方東入安陸注于澗水又東南入于夏

澗水又南分爲二水東通澗水西入于沔謂之澗口也